

原文地址：<https://zd.hwxnet.com/search/hwxE9hwxA2hwxA8.html>

阅读次数：2,837

关键字：風字的意思，風字的解释，風字的含义



扫描二维码
快速查阅解释



简体：风 分类：生僻字

拼音：fēng

部首：風 部外笔画：十画 总笔画：九画

笔顺：ノフノ丨フー丨一、

仓颉：HNHLI 四角号码：77210

U+98A8

五笔86/98： MTJI WTJI

基本字义解释

- 風 fēng
- 風 fěng
- ◎ 均见“风”。

英文翻译

wind; air; manners, atmosphere

康熙字典

【戌集下】【風字部】風 · 康熙筆画：9 · 部外筆画：0

〔古文〕𠂔飄颻〔唐韻〕方戎切〔集韻〕方馮切〔正韻〕方中切，音楓。風以動萬物也。〔莊子·齊物論〕大塊噫氣，其名爲風。〔河圖〕風者，天地之使。〔元命包〕陰陽怒而爲風。〔爾雅·釋天〕南風謂之凱風，東風謂之谷風，北風謂之涼風，西風謂之泰風。〔禮·樂記〕八風從律而不姦。〔疏〕八方之風也。〔史記·律書〕東北方條風，立春至。東方明庶風，春分至。東南方清明風，立夏至。南方景風，夏至至。西南方涼風，立秋至。西方閶闔風，秋分至。西北方不周風，立冬至。北方廣莫風，冬至至。〔周禮·春官·保章氏〕以十有二風，察天地之和命，乖別之妖祥。〔註〕十有二辰皆有風吹其律，以知和不。又〔玉篇〕散也。〔易·繫辭〕風以散之。又趨風，疾如風也。〔左傳·成十六年〕郤至三遇楚子之卒，見楚子必下免胄而趨風。又〔玉篇〕教也。〔書·畢命〕彰善瘅惡，樹之風聲。又〔說命〕四海之內，咸仰朕德，時乃風。〔註〕言天下仰我德，是汝之教也。〔詩·關雎序〕風之始也。〔箋〕風是諸侯政教也。又風俗。〔禮·樂記〕移風易俗，天下皆寧。又疾名。〔左傳·昭元年〕風淫末疾。〔註〕末，四肢也。風爲緩急。又〔廣韻〕佚也。〔書·費誓〕馬牛其風。〔傳〕馬牛風佚。〔疏〕僖四年《左傳》云：惟是風馬牛不相及也。賈逵云：風，放也。牝牡相誘謂之風。然則馬牛風佚，因牝牡相逐而遂至放佚遠去也。又防風，國名。今湖州武康縣。又地名。寧風，齊地，見〔左傳〕。右扶風，見〔漢書〕。又官名。〔前漢·地理志〕武帝

太初元年，更名主爵都尉爲右扶風。 又鳥名。【詩·秦風】駉彼晨風。【爾雅·釋鳥】晨風，鶡。
【疏】晨風，一名鶡，摯鳥也。郭云：鶡屬。 又【晉書·輿服志】相風中道。【正字通】晉制，車駕出，相風居前。刻鳥於竿上，名相風。又【述征記】長安南有臺，高十仞，立相風銅鳥，遇風輒動。 又草名。【西京雜記】懷風，苜蓿別名。一名光風。 又姓。黃帝臣風后。又風胡，見【越絕書】。 又【神異經】西方有披髮東走，一名狂，一名顛，一名狷，一名風。 又【廣韻】方鳳切，音諷。【詩·關雎序】詩有六義焉。一曰風，上以風化下，下以風刺上，主文而諭諫，言之者無罪，聞之者足戒，故曰風。【箋】風化。風刺，皆謂譬諭，不直言也。【釋文】下以風之。風，福鳳反。【註】風刺同。 又叶分房切，音方。【楚辭·惜誓】涉丹水而馳騁兮，右大夏之遺風。黃鵠之一舉兮，知山川之紆曲，再舉兮睹天地之圜方。 又叶甫煩切，音蕃。【王粲詩】烈烈冬日，肅肅淒風。潛鱗在淵，歸鴈載軒。 又叶閭承切。【後漢·馮衍顯志賦】摛道德之光輝兮，匡衰世之渺風。褒宋襄于泓谷兮，表季札于延陵。 又叶孚金切，音分。【詩·邶風】絺兮綰兮，淒其以風。我思古人，實獲我心。又【大雅】吉甫作頌，穆如清風。仲山甫永懷，以慰其心。【楚辭·九章】乘鄂渚而反顧兮，歛秋冬之緒風。步余馬兮山臯，邸余車兮方林。【釋名】兌豫并冀，橫口含脣言之，讀若分。青徐，蹶口開脣推氣言之，讀若方。風，放也，氣放散也。【第·毛詩古音考】風古與心林音淫爲韻，孚金切。或曰今太行之西，汾晉之間讀風如分，猶存古音。【正韻】一東收風，十二侵闕，蓋未詳風古有分音也。 【說文】風動蟲生，故蟲八日而化。从虫凡聲。【趙古則曰】凡物露風則生蟲，故風从虫，凡諧聲。

考證：（【爾雅】西風謂之秦風。） 謹照原文秦風改泰風。（【書·費誓】馬牛其風。【疏】賈逵云，風，放也。牝牡相誘謂之風，然則馬牛放佚，因牝牡相逐，而遂至放佚遠去也。） 謹照原文馬牛放佚改馬牛風佚。（【陳第·毛詩古音考】風古與心林音淫爲韻，孚金切。【正韻】一東收風，二十侵闕，蓋未詳風古有分音也。） 謹照原文二十侵改爲十二侵。

说文解字

【卷十三】【風部】風



八風也。東方曰明庶風，東南曰清明風，南方曰景風，西南曰涼風，西方曰閨闥風，西北曰不周風，北方曰廣莫風，東北曰融風。風動蟲生。故蟲八日而化。从虫凡聲。凡風之屬皆从風。古文風。方戎切。【注】、夙、飄、釐，古文風。

字源演变



风字的楷书

同音字

4画	4画	6画	6画	7画	7画	7画	7画	8画	8画
丰	风	伟	凤	凤	姓	沣	汎	凤	枫

精彩网址推荐

汉文学网 <https://www.hwxnet.com/>

在线词典 <https://cd.hwxnet.com/>

成语大全 <https://cy.hwxnet.com/>